


BRA, NA BEDI MAKYI

 Eye, daabi, na eno ye Becky awoƆ akyi. Na enti me—me susuu se, “Eye, mo nim. . .” Me—me dii buroni mpampa kyensee mma, a ne boƆ ye cedi du. Eye, me ye. . . WƆde me krataa ma me, na wƆtwere so, mo ahu, na me tuaa ka, de maae bio, na me sane de maae, efiri se na me wƆ eka bi tua.

² Na dakoro bi bere a yeƳe a—a nsrahweƆoƆ nhyiamu. “Me,” wƆkaa se, “hwan ne saa boƆdamfoƆ no a Ɔsane de biribi sane baae no?” Wohu? Ono—Ɔtitenani no, mo nim, “anƆpadidie no ye mpesewa du anaa?” Enti eno boƆ ye mere paa ma aforoƆ no, mo nim. Ebinom de doƆla na esane baae, hwe; anwummere adidie doƆla mmieniu. Na me tuaa dee na etee pepepe.

³ Eye, Me kaa se, “Eye, afei, eho nhia se meko mu. . . Edeen na meƳe se medidi, mpesewa du a?”

⁴ Owura. Fields, dee na Ƴe Ƴpanin abadiakyire no, Ɔkaa se, “Billy, fa doƆla to mu, se etee biara, ketewa koraa no.” Ɔkaa se, “Eno ne dee won a aka no reƳe.” Ɔkaa se, “Ese se wo ka eno bom.”

⁵ “Eye,” Me kaa se, “Me—me nni da gyese mpampa kyensee ma, na eno ne dee me tua ka.”

Ɔkaa se, “Oh, nye saa, ente saa da.”

⁶ Eye, afei me susuu se, “Edeen na mede beƳe?” Afei me tuaa mpesewa du maa anƆpadidie no. Enti me yii mpesewa aduanan firii mu, se me pe se me see biribi a, me de beƳa mmofra ewo abonten so; mmofra bi a, mo nim, ase wohia paanoo a enam hƳe mu, nso. Eye me susuu se ebia metumi anya. . . Nokore, na eno ye adwumakuo, no ara, na ene me rekasa saa. Na Ƴe barima a Ɔfiri adwumakuo no mu.

Enti, me susuu se, “Ebia na me—me yeƳe biribi bone.”

⁷ Enti eha enkƳere, na nsrahweni bi. . . Afei wƆde wiemhyen na eko nsrahwe, mo nim. Enti Ɔbetwaam ena Ƴgyinae. Ɔkaa se, “Hwe, Onuabarima Branham,” Ɔkaa se, “saa dua yi renyini.”

Me kaa se, “Aane.” Me kaa se, “Mmofra di agoro wƆ eno ase wƆ abontene ho.”

Ɔkaa se, “Yeбетumi atwitwa so anaa?”

Me kaa se, “Aane, nanso mma mo ntwā nto fam. Wohu?”

Ɔkaa se, “Eye, yepepe yetwa. Yeбетua wo ka.”

⁸ Me kaa se, “Daabi. Daabi. Mempe se mo twa twene.” Eye, me nim mmara a ema-ho-kwan, nso, mo nim, efiri se na me wo mu mƳirinhyia nson. Me kaa se, “Daabi.” Me kaa se, “Mempe se motwa twene, mmom motumi twitwa so.” Me kaa se, “Me—me twitwa so, nanso,” me kaa se, “motumi. motumi twitwa so se mo pe se mo ye a.” Me kaa se, “Me, Onuabarima Wood ene me,

yerehwe se yetwitwa so. Yebetwitwa yeinom nyinaa a ewo ha yi so.” Ena me kaa se, “Nanso mmofra no nti yepese yegya dee ewo ho no, Joe ene won, mo nim, mmofra nkumaa no di agoro wo saa dua no ase.”

⁹ Me tuu kwan. Bere a mesane baaee no, na wotwa ena woyi afiri ho. Oh, anka mesaman adwumakuo no wo asennibea, mo nim, se wotwaa saa dua no, mo ahu. Na enti me susuu se, “Afei,” me kaa se, “Awurade, merenka saa asem no ho hwee.” Wuhu? “Se biribi wo ho mpo a me—a me, wo eno ho a, etodabi a meresane atua no, meredi cedi du keke no, na mesanetua ‘mpesewa du.’” Wahu? Me kaa se, “Se biribi da eno so a, ma eno nsi anan, hwe, eno—eno me—eno menhye anan mu, mo nim. Na eno . . .” Na me gyaae se meredwene se metena Aban Adwumakuo Mu, hwe, efiri se ese se eye biribi wo emu ho.

Ese se yehwe dee yeye. Ese se yehyia no da bi.

¹⁰ Mmofra, ba ha. Na mo maame wo ha, enne, Trudy. Me susu se mo anye, na mo nnim. Yei aye mo nwanwa, metumi hunu. Na moresiesie mo ho se mobewie mo adesua. Na yatu saa kwan yi abom. Mekwo nhyiamu ase seesei, se nhyiamu yi ba awiee pe a. Na yebekwo fie.

¹¹ Me susu se ebeye akwanya papa se mekasa akyere mo nyinaa, na afei nso me susu se ebeye papa se mekasa akyere mmofra no kakra ansaana mo awie adesua. Mekenkan nyiyimu bi afiri Twere Kronkron no mu, na makasa afiri m’akoma mu, beye simma du. Mefiri mo nkyen akwo. Wahu?

¹² Ansaana mekasa akyere mmofra no, meppe se mekasa akyere mpanimfoe no simma, nso, mo nyinaa. Eye seesei, ebia, akwantuo a eye den, aye saa. Nanso suahunu a masua afiri Onyankopon nkyen no, meremfa dɔlla mpem du ngye dee me sua firii Awurade nkyen firi bere a me baa ha. Me gyedi nokorem se maba ewo setie nyinaa mu de ma Adee nyinaa so tumfoe no ahyedee, na me—me wo anidasoe se metumi atena saa kwan no so ara. Na ehwo . . .

¹³ Se me ba a, adee baako, me nam anisoadehunuo so, se na me gyina Tucson soro ha bere a—a—etuo tooee. Eye, na Onuabarima Fred wo ho bere a etooee no. Na wotwaa saa mfonini no seesei ara, mo nim, wo ewiem. Na mannwene ho pii, mannhunu da. Enti mani firii aseeye gyee ho, da bi. Na Onuabarima Norman, Norman papa a wo ha yi, ka kyerese me se, okaa se, “Wo hyee yei nso anaa?”

¹⁴ Na bere a me hwese no, na Abwofo wo ho pee pefee sedee Wobetumi, wote saa mfonini no mu pee. Wohunu? Na me hwese kw hunuui senea etee, na ebera aso, adekorwo, beye da anaase nnanu ansaana, anaase da anaase nnanu a mekwwo soro ho akyire no. Me hwese baabi a na ewo. “Flagstaff Atifiapuee, anaase Prescott, a ewo Flagstaff ase.” Eye, ehwo ne baabi a na yewo, hwe, ehwo pɛpɛpɛ.

15 “Osoro akwansini aduonu-nsia.” Aden, tutuo rentumi nko mmoro—mmoro nnan, osoro akwansini nnan, anaase nnum, hasuo, mununkum biara anaase biribiara, mo hunu. Wiemhyen tu ko wiem apem ahankron. Eno ye se areko atra mununkum nyinaa so, mo hunu. Na apem ahankron ye osoro akwansini nnan. Yei ye osoro akwansini aduonu-nsia, ena akwansini aduasa ne tetrete mu, ena ne hwεbea te se piramid, se mo ahwe mfonini no a.

16 Na ewo nifa-so efa no, sedee me ka kyerεe mo no, me hyee no nso, titiriw, saa Obofoo no. Ono na Owō ho no, ne koko apue, ne ntaban wo akwire, areba mu pee, sedee na etee pεpεεε. Mannhunu no da bere a Wodii kan . . . Nnooma bebree na ewo ho.

17 Na me reba wo kwan no so da bi, biribi siie a ekasa kyerεe me fa dee ese se me—me ye ho. Na enni—enni me nkransεm no mu.

18 Bere bi, Leo Mercier kaa se, kaa se, “Onuabarima Branham, bere no beba yei akyi,” okaa se, beye mfirmhyia nnum anaase nsia a abesene korō no, ebia nson, okaa se, “Awurade rebesesa wo som adwuma no, Onuabarima Branham.” Ena okaa se, “Se Oye a, ebia wobeto ayaresabea ahodo santene, na wakasa ama ayarefoo asore afiri mpa no—no so ene nnooma.” Na engyegye yie, ewom se na me gyedi se Onuabarima Leo erehwehwe se obedi nokore afa ho.

19 Nanso na engyegye yie, efiri se, hwe, yen Awurade Yesu anye saa da. Wohu? Na Okoo ayaresabea ho. Na baako na owō saa ayaresabea ho. Mo kae baabi a na ewo wo Twere Kronkron no mu anaa? Asubura a ewo Betsaida no. Na nipakuo kesee deda ho, mmubuafoo, mpakye, anfirafoo, won a woye mmerε, a woretwen Obofoo no. Afei, na eno wo honhom mu ayaresabea baabi a nnipa retwen Nyankoma ayaresa. Na eha Nyankoma Yaresafoo No ankasa baee na osaa obaako yadee ena okooee. Enti morentumi nhwehwe se onipa a owuo, anaase osom adwuma bi beba, na abeye kesee asene dee na ewo ho no. Wohu? Mantumi ne eno anye adwene.

20 Nanso bere a me firii aseε daneε me ho no, Honhom Kronkron no baa me so. Me bisaa Leo gyeε twerεdua. Me nyaa krataa sini bi, ena me twerεe so. Ewo ne kaa to enne, se wo ko baabi a ewo no a. Eye saa nkyensee kaar to no baabi a me de soa nneema no. Se wo wura epono no mu a, sibe a bi wo nifa-so, ewo kaar to anim ho pee. Eda aseε ho. Me de too ho. Me kaa se, “Da bi wo betumi atwe yei apue. ‘Onyankopon rensesa osom adwuma no da, mmom Obesesa onipa no a owō osom adwuma no.’” Eno ne dee ese se woye.

21 Hwe, me—menim dee ese se me ye, nanso me—me—mentumi, mentumi nye no teba a me wo mu seesei mu. Efiri se, ese se me . . . Ese se biribi si wo me mu, eno ye Onyankopon na abeye.

22 Yen botaeε ne se yebesane ako fie. Mmofra no afe fie, won nyinaa pe se wasane ko fie. Enti merehwehwe de won asane ako,

eye Awurade pe a, ebia Memeneda osom no akyi, na yasane yen akyi. Efiri ho a, me nnim. Nanso me nim se se saa biribi no si wo me mu pe a, ebema me atwe aben nnipa, ebeye sononko afri dee me ye seesei ho. Mapo nnipa no—no, hwe, na me—mempse se me ne won wo biribiara ye. Monim dee merekyere, dee me fre no “ricky, ricketta,” na wowa nnooma a woye. Me de nokore nyinaa kaa asem no, na Onyankopon sii so dua wo akwan nyinaa mu. “Na se wompe se wabegye No adi a, aden, mo nyae won ara.”

²³ Na mereko soro ho, na makoka Bud ho saa fall a ereba yi, mfiri ase mahyehye me ho wo soro ho. Metwen wo wura no mu, mema me tiri nwi ene m’abodwese afu. Na se Awurade pe se me ko baabiara a, Obesoma asem abera me, na meko na makoye.

²⁴ Na okwan so no, na mereba da no, Ogyinaa me. Na mehunu baabi a ono. . . dee na mereba no. Me—mewo me kwan so de ma biribi foforo seesei. Na me susuu se, se me duru fie a, meye dee yefre no akoma-ne-akoma kasa, ebia me de begu ahoma so, na afei na amansan ahunu dee nti mpofirim nsakyerare no aba.

²⁵ Afei, mo mmofra no, momma yen. . . Momma yemo mpaee kakra.

²⁶ Awurade Yesu, eye yen aniso de ma saa bere yi, se yebehunu se y’ahyia ha, mmabunu ne mpanin, ene mmerantee. Na y’ahyia, ewo Daa fa ha, preko bio rebekasa afa Wo ho ene nnooma a efa daa Nkwa ho.

²⁷ Na saa mmabunu yi a wotete ha anadwo yi, won mu binom rewie won adesua, won mu binom awie dada. Nanso me hunu se, Awurade, biribi a esiie beye donhwere kakra ansaana saa ahodwiri keese no anaase etuo keese no toose no, asi ewo mmpo no mu soro ho, Tucson atifi fam, bere a Awurade Abofoo no sianeee no. Me kae dee wokaaee, ne—ne titiriw efa mmabunu no ho. Me bo mpaee Wo, Awurade, se wobesoa yen na yate ase. Na ebia metumi aka biribi akyere saa mmabunu yinom, anadwo yi, a ebesoa won wo akwantuo yi mu. Efiri se, Awurade, yen nyinaa yehia saa mmoa no wo bere yi mu.

²⁸ Hyira yen nyinaa bom. Fa yen bone kye yen. Na se yaye biribi bere a yepue baa ha a, anso W’ani a, yebos mpaee se Wo de bekye yen. Efiri se yehunu se, enne, se yenni—yenni okyena ho ahtosoo. Yennim dee okyena de rebas. Ese se yesiesie yen ho enne de hyia okyena. Na, Agya Nyankopon, okwan baako pe na ewo ho a yanim se yebeye yei, ene se, yebesiesie yen ho na yahu Wo, efiri se yehunu se nkakra nkakra yen nyinaa beye saa. Na ese se yehyia no bere bi, ewo asomdwoee mu, se adamfoos anaase obo, anaase se otamfoos. Empare yen, Awurade, se yebeye biribi foforo na mmom yenyee Wo Ara wo mma adofoo. Ye saa nnooma yi ma yen yebisa, wo Yesu Din mu. Amen.

²⁹ Enne, bere a na meretwitwa nwura no, anopa tutuutu paa no, me hunu baabi wo Twere Kronkron no mu, Me susuu se ebeye ade papa se mekenkan no bere yi. Na eye. . . ebia enye

adee a efata paa, nanso me susuu se . . . eye a—eye a bere kakraa bi, a mekasa. Me pe se me kenkane yei firi Ɔhoteni Luka ti 18. Asempa twerefoɔ nnan no nyinaa twere faa ho. Ti 18 no ene nyiyimu 18 no.

Na ɔpanin bi bisaa no, se, Kyerekyerefoɔ pa, edeen na menyɛ na manya daa nkwa?

Na Yesu ka kyereɛ no se, Aden nti na wofre me papa? obiara nye papa, gye ɔbaako, ɔne, Onyankopɔn.

Wonim mmara nsem no, Nsɛe awadeɛ, Nni awu, Mmɔ korɔno, Nni adansekurumu, Di w'agya ne . . . wo na ni.

Na . . . ɔkaa se, Yeinom nyinaa mefiri, me mmɔfraase na medii soɔ.

Afei bere a Yesu tee saa nsem yi no, ɔka kyereɛ no se, Eɔa so ka wo adee baako: kɔtɔn deɛ . . . wɔwɔ nyinaa, na kye ma ahiafoɔ, . . . na wobɛnya agyapadeɛ wɔ soro: . . . na bra, bedi m'akyi.

³⁰ Me susu se, asem no, *Bra, Na Bedi M'akyi*, eno beye afutuo a eye paa a metumi de ama se merekasa akyerɛ mmɔfra mpem du a, anaase se merekasa akyerɛ deɛ me wɔ yi a. Eye ahyedeɛ, na eye adeɛ kesee paa a me susu se wɔde ama obiara, na ne titiriw aberanteɛ, “Di M'akyi.”

³¹ Worekɔdi obi akyi. Afei, wo deɛ . . . Wobetumi akae saa. Worekɔdi obi akyi. Na kwan a wodi obi akyi no, hwe yie, ne deɛ saa onipa yi tee. Wohu? Yen . . .

³² Paulo bere bi ɔkaa se, “Monni m'akyi sɛdeɛ medi Kristo akyi no.” Wɔ nsem foforoɔ mu no, “Sɛdeɛ me di Kristo akyi no, monni m'akyi.”

³³ Na afei, wɔ nnane ho bere yi, abrabɔ mu bere a ete sei—sei ne baabi a yen nyinaa duru no. Na mpre bebree moate se mereteam “ricky, ricketta,” ene nnoɔma. Eye, eye bere no. Eye bere a yete mu no. Enye nnipa no ara paa.

³⁴ Saa nnipa no ye nnipa te se yen ara. Saa mmɔfra no a wɔwɔ mmɔtene so na wɔwɔ saa nnadeɛ hyehye no, di mmirika kɔ soro-ba-fam mmɔtene so no, na wɔreyɛ deɛ wɔreyɛ no, wɔrenom tawa na wɔrenom nsa, na mmaayewa ahyɛ ntaadeɛ basaa no, ene nnoɔma, wɔye mmaayewa ne mmarimaa te se yen. Wohu? Wɔye nnipa. Wɔwɔ ɔɔ. Wɔdidi. Wɔnom. Wɔda. Wɔhome. Eɛ se se wɔwu. Wɔye nnipa te se yen ara. Na nso wɔaye . . .

³⁵ Honhom bɔne na ahyɛ wɔn mma. Wɔnnim. Enye se—se nnipa no a, mmom efiri se, etɔ dabi a, ɔkandifoɔ bi a wɔdii n'akyi na ɔde wɔn afa kwan bɔne bi so.

³⁶ Afei, mo mmaayewa ene mmarimaa nim deɛ eye sene saa. Mo nim. Wɔakyerɛkyere mo deɛ eye sene saa. Mowɔ awoforoɔ papa, nteteɛ a eye sene se mobeye biribi saa. Mo nim deɛ eye papa.

37 Nanso wɔnyɛ, wɔnhunu, ɛfiri sɛ asɔrɛ ahodɔ a wɔkɔ no yɛ abɛɛfo asɔrɛ, abɛɛfo nnoɔma. Na wɔn—wɔtenase ma da no, dodoo gye tom. Na, oh, me! Edeɛn . . . Ɔbra pa no abɛyɛ suban ama wɔn. Wohu? Enti wɔn, edeɛn . . . Sɛdɛɛ me kaa no berɛ bi, wɔ agodie bi a me hunuu no fam ha, a ɛnkyɛrɛɛɛ, ɛfa Sodom ɛne Gomora, a saa ɔbaa a honhommɔne-ahyɛ no ma ka kyerɛɛ—ka kyerɛɛ Lot, “Deɛ wo frɛ no subammɔne no, me frɛ no suban pa.”

38 Yesu kaa sɛ, “Sɛdɛɛ ɛyɛɛ wɔ Noa nna no mu no, saa ara na ɛbɛyɛ onipa Ba no mmaɛɛ no.” Enti yasane aba saa beɛ hɔ bio.

39 Momma yɛnhwɛ saa onipa yi, simma kakra, a yɛkenkane faa ne ho yi. Akyinnyɛɛ nni ho sɛ abɔfra yi wɔwoo no wɔ ɛfie papa mu, te sɛ mo mmɔfra yi. Awofɔɔ papa na wɔtɛtɛɛ no. Ɛfiri sɛ, ɛkyɛrɛ saa, berɛ a Yesu de Onyankopɔn ahyɛdɛɛ no ma no no. Ɔkaa sɛ, “Mɛfiri me mmɔfraase na medii sɔɔ.” Ɛkyɛrɛɛ sɛ wɔanya—wɔanya—wɔanya ntɛtɛɛ papa. Ɔnyɛ obi a wɔtoo no asaworam. Na mo nim, ɔno—ɔno na watɛtɛ no ama ɔnim dɛɛ ɛyɛ, mmɔfra te sɛ dɛɛ mo nyinaa mo tɛɛ. Ebia na ɔhyɛ papa ne maame a wɔyɛ Nyame-surofɔɔ, a—a—a wɔkyɛrɛkyɛrɛ no dɛɛ ɛyɛ, berɛ a na ɔyɛ abɔfra. Ɛyɛ, ɛno yɛ papa.

40 Ebia, berɛ a na ɔyɛ abɔfra kumaa no, ne maame nyaa botaeɛ kɛsɛɛ maa no sɛ ɔbɛyɛ nnipa kɛsɛɛ da bi. Na ne papa wɔ sika, a ɛtumi hwɛɛ no sukuu na—na ɛmaa no adesua a ɔbɛtumi . . . ɔnyaa adesua papa a ɔbɛyɛ biribi wɔ wiase. Na maame ne papa yi de nokorɛdie, na ɛmaa no adesua, na wɔbaa hɔ berɛ a ɔde n’adesua baa awiɛɛ te sɛ mo, hwɛ, berɛ a ɔfaa sukuu ntɛtɛɛ mu na ɔnyaa n’adesua. Akyinnyɛɛ nni ho sɛ na ɔyɛ ahohoahoa ne anigyɛɛ de ma—ma saa maame ɛne papa no. Akyinnyɛɛ nni ho, wɔ saa nna no mu, na ɔwɔ apɔnkɔ ɛɛɛɛ, te sɛ mo wɔ lɔrɛ yi, ɛne agya papa ɛne ɛna papa te sɛ dɛɛ mo nyinaa mo wɔ yi, a wɔhwɛ sɛ, mo wɔ ntaadɛɛ papa, ɛne—ɛne kaar, na motumi . . . na mo ani gye abraɔ mu, te sɛ dɛɛ mo wɔ ɛnne yi.

41 Na agya no ɛne maame . . . rebɔ mpaɛɛ daa sɛ—sɛ wɔn babarima no mmɛyɛ nnipa hunu bi, na ɔbɛyɛ nnipa titiriw. Awofɔɔ nyinaa pɛ saa. Motɛɛ sɛ Yesu twee adwene sii saa ahyɛdɛɛ no so, “Di w’agya ne wo na nni,” afei ɔgyinaaɛɛ anaa? Wohu? Na ɛno ne awofɔɔ biara botaeɛ, sɛ wɔbɛyɛ dɛɛ ɛyɛ paa ama wɔn mmɔfra, sɛdɛɛ wɔbɛtumi, ama wɔn adesua, ama wɔn nnoɔma a ebia wɔannya. Saa kwan no so na me wɔ atɛnka fa me mmɔfra ho.

42 Me susu sɛ, ɛtɔdabi a, na worekɔ sukuu a, seesei; Me susu sɛ, wo de Becky ɛne Sarah ɛne Joseph rekɔ saa sukuu ntoasɔɔ yinom ne nnoɔma, baabi a dɛɛ ɛrekɔ-sɔɔ yinom nyinaa wɔ? Me susu sɛ mɛfa wɔn na yakɔ bepɔ no mu, na—na makɔ tɛtɛ wɔn soro hɔ . . . te sɛ dɛɛ Indiafɔɔ no bɔ bra.

43 Nanso dɛɛ ɛtɛɛ nie. Dɛɛ ɛwɔ abɔfra no mu no bɛpue. Ɛmfaho ne baabi ɔwɔ, ɛsɛ sɛ, ɛbɛpue. Sɛ ɛyɛ bɔne na ɛwɔ ne mu a, ɛbɛpue wɔ Indiafɔɔ atɛnaɛɛ. Sɛ papa na ɛwɔ ne mu a, ɛbɛpue wɔ atɛnaɛɛ

biara. Wohu? Eye deɛ ɛwɔ abɔfra no mu, abɔfra no bɔ-bea, deɛ ɛwɔ wo mu no. Na deɛ wo ye seesei no ye deɛ ebia deɛ wobeye wo nkwa nna nyinaa. Wowɔ nsakyeraeɛ beaɛ.

44 Mo nim biribi? Nnipa a wɔsakyera ba Yesu Kristo nkyen no ɔha mu nkyemu aduɔwɔtwe-nsia ba ansaana wɔadi mfec aduonu-baako. Ekyere saa. Nhwehwemu kyere saa. Nnipa a wɔba Kristo nkyen no mu ɔha nkyemu aduɔwɔtwe-nsia ba ansaana wɔanya mfec aduonu-baako. Wo, bere a wapa saa mfec no ho no, na w'abɛnyini yie anaase w'akwadere wɔ w'akwan mu. Oh, ɛbetumi aye hɔ, nokorɛ. Wɔba, aduɔson, aduɔwɔtwe, mfec mu, nanso entaa nye hɔ. Wohu?

45 Wo siesie wo ho bere a wo ye ɔbabunu. Wo de botaeɛ bi si wani so deɛ wo pɛ se wo ye, ene deɛ wo hwehwe se wo benya wɔ abrabɔ mu. Wo dwene ho. Na woressusu ho no, ɛwom, w'adwene, ɛwura w'adwene mu enam biribi a wonnim so—so a ɛdi w'adwene so. Na afei bere a awura w'adwene mu no, afei na waka, sɛ wɔrekɔye sei. Na afei wo botaeɛ no pia wo kɔ ho.

46 Enti, maame ene papa, yerehwe saa aberantee yi kwan sɛ. . . ne botaeɛ beye ksee; sika dodɔ a ɔde beye. Na afei, akynnnyee nni ho, wɔbɔ mpaee sɛ saa aberantee yi benya—benya saa akwanya no. Mo ahu, wɔn—wɔaye deɛ wɔbetumi aye nyinaa. Ebia na ɔwɔ mpɔnkɔ fɛɛfe, ɛna—ɛna ebia mmaa no dodɔ ani gye ne ho.

47 Na deɛ ɛbɛkɔ ama ɔbarima no, ɛbɛkɔ ama ɔbaa, na daneɛ nso, hwe, ɛfiri sɛ yerekasa afa nnipa abrabɔ ho, akra, mmarima ene mmaa.

48 Na afei, akwanya yi nyinaa a abarimaa no nyaee akyiri no, hwe, wabeye “ɔdefɔ ba,” deɛ yɛka no no, wɔ beaɛ a ɔnnha ne ho bebree. N'awofoɔ wɔ sika. Wɔanya. . . ɔye obi a. . . Wabeye sodifoɔ. Twere Kronkron no twe adwene si so wɔ ha, wɔ ɔno. . . sɛ aberantee, aberantee ɔdefɔ sodifoɔ. Na yɛhunu ɔno. . . Wɔ mmerantebere mu, ebia wɔ ne mfie beye dummiensa kɔsi dunkron, wafiri sukuu mu, ɔde adesua aba awieɛ, ebia, nnawɔtwe kakra atwamu, anaase biribi, wabeye. . . ɔye sodifoɔ, na ɔwɔ biribiara a akoma bepese ɔnya.

49 Na abarimaa no nye enne nnɛmafoɔ yi bi. ɔye abɔfra kama. Me gyedi, bere a Luka twere faa ho no, anaase Marko, me gyedi sɛ na ɛte saa, Yesu hwɛɛ no ɛna ɔguu ahome, ɛfiri sɛ ɔdɔ no. Wohu? Biribi wɔ abɔfra no ho. Na abɔfra no bɔsuo ye fe. Baabi a na ɔfiri? ɔfiri abusua papa mu a wɔakyerkyere no Onyankopɔn ahyɛdeɛ nyinaa, na wɔahwe sɛ ɔdi so. Na ɔfiri ne mmɔfraase na wadi soɔ.

50 Na abarimaa no wɔ botaeɛ; na ɔpɛ sɛ ɔnya Daa Nkwa. ɔkaa sɛ, “Owura Pa, ɛdeen na mɛtumi aye na manya Daa Nkwa?”

51 Hwe, wɔ deɛ mo wɔ nyinaa wɔ wiase no, nanso ɔkra no a ɔwɔ mo mu no ka kyere mo sɛ biribi wɔ hɔ a mo hia, a monni bi. Enam ahonya so. . . Anaase, ɛnye bere nyinaa na ɛye ahonya. ɛbetumi

aye hɔ, wagye din, abaayewa hoɔfɛfoɔ bi, ɔwɔ n'ahoɔfe a ɔtumi dwene ho. Ebia wagye din paa wɔ sukuu mu. Ebia abarimaa no betumi anya abaayewa biara a ɔpe. ɔtenka se ɔwɔ ahobammɔ. Eno nye ahobammɔ. Eno befiri hɔ te se esere so nhwiren. Wohu? Ebewu. Enkyere. Ma owia mmɔ no kakraa bi, na enni hɔ, afei wowɔ ɔkra bi a ese se ɔtena Daa.

52 Na saa abɔfra kumaa yi wɔ bɔsuo a eye fe, efiri se ɔde ne ho maa Awurade Yesu, ɔnim na ɔkɔɔ ne nkotodwe anim. ɔkaa se, “Owura Pa, edeen na metumi aye na manya Daa Nkwa?”

53 ɔkaa se, “Aden nti na wofre Me papa,” ɔkaa se, “bere a wo nim se ɔbaako pe na ɔye papa, na ɔno ne Onyankopɔn?” Wohu? Aden nti na aberantee no kaa saa? Se na ɔye Onyankopɔn. Wohu? ɔkaa se, “Wonim mmara nsem no. Di so.”

ɔkaa se, enti ɔkaa se, “Mmara nsem ben, Owura?”

54 ɔkaa se, “Mmara nsem a eka se ‘di w'agya ne wo na ni,’ ene dee ekaho.”

55 ɔkaa se, “Madi yei so, firi me mmɔfraase. Wahu, madi yei so.”

56 ɔkaa se, “Eda so ka wo adeɛ baako. Kɔ, kɔtɔn dee wowo nyinaa, na kye ma ahiafoɔ, na bra bedi m'akyi.”

57 Akwanya keseɛ ben ni! Eno betumi aye Petro, Yakobo, anaase Yohane, wɔn mu baako. Hwe, na watete abɔfra no ena wahwe no yie, ena wɔde no ama Kristo, se ɔmfa no nye adwuma ewɔ nnepa a ewɔ ne mu nyinaa, ɔmfa nye adwuma, ebia wɔasua nwoma, aberantee, ɔdefoɔ, ɔwɔ nhyesoɔ, baabi a anka ɔbetumi aka Asempa no, nanso ɔpoose. Edeen—edeɛn mpepreho adeɛ na abarimaa yi yeeɛ! Wohu?

58 “Di M'akyi.” Afei, hwe, ese se ɔdi obi akyi. Seesei, na ese se ɔdi nnipa no a ɔne wɔn nam no nhyesoɔ akyi, anaase awuraa kumaa bi nhyesoɔ akyi, mmerantewaa bi a ɔne wɔn nam nhyesoɔ akyi, ne nnamfonom a wɔwɔ sukuu mu, anaase ɔbedi Yesu Kristo akyi. Wɔ ne papa nyinaa mu no, na ɔnim se ɔnni Daa Nkwa.

Mmɔfra, eno ne adeɛ a ese se mo dwene ho. Wohu?

59 Afei monhwe abarimaa no anadwo yi, dee anka ɔbetumi aye, ene dee ɔteɛ, dee ɔteɛ anadwo yi. ɔwɔ baabi. Na ɔye onipa. ɔwɔ baabi. ɔretwen Atemmuo no. ɔretwen akɔhyia Atemmuo no wɔ saa Da no, ɔpo saa akwanya korɔ no ara a wɔde rema mo mmɔfra yi, erekame aye se ewɔ tebea korɔ no ara mu; mmɔfra papa, bɔsuo papa, agyanom ene maamenom papa, dee mo wɔ no, ense se mo ye adwuma gyese mo pe. Wahu?

60 Nanso biribi wɔ hɔ a ene saa kɔ. Biribi ne saa kɔ. Saa Asem no, anadwo yi, enwu da. Eda so ara ye akansie de ma aberantee biara, ababaawa biara, “Di M'akyi.” Wohu?

61 Nsem nwu. Bere biara a wobeka biribiara no, kae se, se eye wo kaar mu ewɔ kwan so, se eye asenkapono akyi no, se eye

abɔntene ntweaso wo ne w'adamfo abarimaa anaase w'adamfo abaayewa, baabi a etee biara, enwu da. Esee—se etena ase daa.

⁶² Bere a me hunuu saa abaayewa no . . . adano anadwo ewɔ anisoadehunu mu no, abaayewa kumaa feefe no, Holiwud yekyerεfoɔ no, na me hunuu no se ɔrewuo, ɔrehwehwe, se ɔbenya mmoa bi. ɔbaa no wui esiane akoma yadee, Awuraa Monroe. Na afei eno beye mfirinhyia mmienu a abesene korɔ, na me hunuu no se ɔrewuo. Na nna mmienu akyi ɔbaa no wui.

⁶³ Afei, anadwo foforɔ no, me tee saa abaayewa no nne. Kwan ben so? Na mmofra no ka kyere me, “Papa, wo na wo kɔ saa Asutwene No A Wɔnsane no, aberε nyinaa.” Wɔkaa se, “Wɔwɔ agorɔ te saa, anadwo yi.” Wɔka kyereε me se anadwo bi wɔbeyε, nnawɔtwe anaase mmienu a edi animu. Me susuu se, “Eye, me pe se me hwe eno, efiri se makɔ saa asutene no so, mprenu anaase mprensa; εbeyε mprennum, me susu saa.” Eye, me—me pe se me hunu.

⁶⁴ Na Awuraa Marilyn Monroe yeε yekyerε no. Eye, ɔno ne abaayewa no a me hunuu no wɔ anisoadehunu mu no. Na ɔno na ɔwɔ hɔ no, ewɔ mfonini mu, ene nneyεε no, saa yekyerε korɔ no ara a ɔyεεε wɔ *Asutene No A Wɔnsane No*, bere a ɔtwaa saa mfonini no, ebia mfirinhyia dunnun a abesene korɔ no. Na eye mfonini dada, ebia mfirinhyia aduonu a abesene korɔ. Na ɔwuiε beye mfirinhyia mmienu ni. Na ɔno na ɔwɔ hɔ bio no, ɔtεase, nneyεεε biara ene asem biara. Wohu? Wɔakyere agu ahoma so na εdaso ara te ase bio.

⁶⁵ Enye eno nko ara, na mmom biribiara a yeka no te ase. Asem biara a yeka no rentumi nwu. Nsem na εreba dan yi mu seesei, nnipa ahodoɔ bebreε. Kasamfonini na ekyerε. Wobetumi akasa wɔ ha pεε, na wɔretie wo wɔ wiase nyinaa, saa ke korɔ no ara. Mpo ansaana wobetumi ate no wɔ dan yi mu no, ekɔ wiase baabiara, enam anyinam ahooɔden so.

⁶⁶ Na Onyankopɔn ntwamutam kesee no kye no. na anammɔntuo biara ene nneyεε biara a wo ye no, ese se wo hyia no Atemmuo mu. Wohu? Enti, aberanteε, eye ade papa se wobεgyina, asusu saa nnoɔma yi ho, hwe, efiri se worekɔhyia no bio. Wohu?

⁶⁷ Momma yenni saa aberanteε yi akyi, akwanya a ɔnyaaεε, na fa wo ho hye n'ananmu. Ene abaayewa bi, te se Becky ne Marilyn, te se deε wo gyina n'ananmu, na wo betumi ate saa Enne no a εdaso te aseε no.

⁶⁸ Edaso ara te ase. Edaso ara tu anammɔn. Abɔdee nyansape ka se, “Mfirinhyia aduonu firi seesei, wɔbekyerε Ne Nne ankasa a ɔkasaeε, mfirinhyia mpem mmienu a abesene korɔ.” Edaso ara te ase. Te se aboba a atɔ po mu, asorɔkye no to ntwaa da. Ekɔ mpoano, akwansini apem, na esane n'akyi.

⁶⁹ Se enne kasa gu mframa mu te saa pe a, enwu da. Biribiara nni hɔ a wobetumi aka wɔ Atemmuo mu. Ewɔ hɔ pεε. Yesu

Kristo Nne no bɛwɔ hɔ afɛ saa aberantɛ no, “Di M’akyi,” na ɔbedane ne ho, ɛwɔ twamutam no so, awerɛhoɔ mu, ɛfiri sɛ na ɔwɔ agyapadɛɛ bebree. Wohu? Yɛrentumi nyɛ mpo . . . ɛnyɛ bere biara na ɛsɛ sɛ ɛyɛ sika. Ɛbetumi ayɛ nnoɔma foforɔ. Wohu? Biribiara a ɛsom yɛn bo sene saa ɔfrɛ no, hwɛ, ɛbɛyɛ te sɛ sika ama yɛn. Ɛbɛyɛ adɛɛ a ɛsɛɛ yɛn.

⁷⁰ Afei momma yɛn nni n’akyi kakra. Ɛdɛɛn na ɛbɛsi bere a ɔdaneɛ ne ho no? Wɔantie saa Kristo Nne no. Ɔne ne nnamfonom kɔɔɛ.

⁷¹ Dɛɛ, mo mmɔfra, mo nyinaa moyɛ mmɔfra kamakama, na ɛsɛ sɛ monya nnamfoɔ, nanso monhwɛ adamfoɔ a monya no yie. Sɛ saa adamfoɔ no di Kristo akyi a, ɛne saa adamfoɔ no nkɔ. Di Kristo akyi, nso. Nanso sɛ ɔnyɛ saa a, mo ne no nnkɔ.

⁷² Momma yɛnhwɛ no. Yɛhunu sɛ, ebia ɔkoraa ne nnamfonom so. Ɖbɛyɛɛ sodifoɔ kɛsɛɛ. Na ɔyɛ sodifoɔ afei. Akyire yi, yɛhu no sɛ wanya ne ho ara kɔsi sɛ ɔno—ɔno—ɔno na ɛsɛ sɛ ɔsisi ɔsan bebree a ɔdɛ nnuane bɛsie mu. Na afei ɔka kyɛrɛɛ ne ho sɛ, ɔnyiniɛ akyire no, na mmeranteberɛ mu adwennwene ɛne nnoɔma atwa mu no, dɛɛ ɔyɛɛɛ nyinaa, ebia, na ɛyɛ anigyɛɛ.

⁷³ Sɛ ɔbarima panin anaasɛ ɔbaa panin, te sɛ me, me yere, mo maamenom mo papanom, biribiara nni hɔ a wɔtumi dwene ho. Wɔrentumi, wɔmpɛsɛ wɔbɛpue na—na wɔretu mmirika kɔ soro-ba-fam mmɔntene so, mo nim, sɛ—sɛdɛɛ mmerantɛɛ yɛ, ɛne mmabaawa. Ayɔnkofɔɔ, na hwan na ɔbɛyɛ wo yere anaasɛ wo kunu, anaasɛ, hwɛ, wɔnni saa adɛɛ no wɔ wɔn adwene mu. Wɔn, wɔwɔ mma, wɔn ani gye ho. Saa na mo nyinaa mo bɛyɛ, ɔkyena, sɛ ɔkyena bi wɔ hɔ a. Wohu?

⁷⁴ Na hwɛ onipa no, afei, ɔdɛ ebia . . . Ebia wanware da mpo. Na, sɛ ɛtɛɛ no, na ɔyɛ sodifoɔ kɛsɛɛ. Na ɔtenaa so . . .

⁷⁵ Na sɛdɛɛ ɛtɛɛ ɛwɔ Yerusalem, nso, ɛnnɛ no, wɔdidi ɛwɔ efiesoro, saa berɛ yi ɛda yi, berɛ a awɔ aba, na wapue anwummɛɛ.

Na yɛhunu obi foforɔ a ɔne no wɔ hɔ mfonini: ɔdesrɛfoɔ bi.

⁷⁶ Na ɔbarima no, wɔrema no so afiri fam akɔ—akɔ nnidie mu ama ne yɔnkɔ, na sɛdɛɛ wo pɛ sɛ afoforɔ nyɛ ma wo no yɛ ma wɔn, hwɛ, ɛsiane sɛ ɔpoo saa Kristo frɛ no, awiɛɛ no . . . Ayɛ te sɛ, abarimaa a watete no ɛfie te saa mu, anka ɛno remfiri ne ho da, nanso ɛfiriɛ. Ɛyɛɛɛ.

⁷⁷ Na onipa bi da pono no ano, a na wɔfrɛ no Lasoro, na ɔresere no aduane, na wamma no. Anka ɔbedi mproprowa a ɔpra gu no, ɔdesrɛfoɔ no mpo anya, mmom nkraman no. Na ekuro pii atu no. Nanso na ɔbarima no ani abue ɛwɔ kuro no mu, afei, na ɔnni atenka bio. Ɖbɛyɛɛ titiritii, ɛfiri sɛ na wapo saa adɛɛ a na Kristo de rema no no.

⁷⁸ Na ebia anwummɛɛ baako bi, saa berɛ no, na ɔredi paano ɔdɛ nsa papa bi, ɛna mmaa adɔfoɔ bi, wɔhyehyɛ nhwenneɛ, atwa

ne ho ahyia, ene nnooma te saa, owo dee n'akoma betumi anya nyinaa, na orehwie nsa. Odesrefoo bi da pono no ano.

79 Na ansana adee rekye no, anopa a edi ho no, na owo amanehunukrom, oretream se saa Lasaro no mfa nsuo meka ne tekyerema so. Na tebea no asesa.

80 Na mo hyee no nso, bere a okaa se, "Agya Abraham," afei, odaso ara kae se na Abraham ne Yudafooo agya. Okaa se, "Agya Abraham, soma saa Lasaro odesrefoo no na mfa ne nsateaa mmo nsuo mu, mmeka mano. Saa gyaserama yi ano ye hye."

81 Na okaa se . . . na Abraham kaa se, "Eye, merentumi nye saa," wo nsem pii mu. "Na ne nyinaa akyi no, wo nim, wo nyaa wo kyefa wo abraboo mu."

82 Bere ben na onyaa saa no? Bere a Yesu kaa se, "Di M'akyi." Na mmom opoe no. Ofaa kwan a na obetumi anya sika so. Na ne nyinaa ye, mfomsoo biara nni se worepe sika mu, na mmom di Yesu akyi bere a woreye saa. Wohu? Na ofaa kwan foforo so, one nipakuo no.

83 Na mo hunu se, okaa se, na Abraham kaa se, "Na yei nyinaa nna nkyen, eku kesee da wo ne ono ntam, a onipa biara ntraa pen, na orenye da. Won a wowo nohoa rentumi mma ha, na won a wowo ha rentumi nko ho. Eye adee a wahyehye. Onipa biara ntraa pen anaase obetra pen."

84 Afei montie no. Ope se oye osem pakani afei. Ofre no a Yesu de maa no, se—se oni N'akyi no, anya, na anka obeye okra yifoo no, se aberantee no, esane baa ne nkyen bio. Okaae, se na owo nuamarimanom nnum, na wowo asase so, na na ompre se wobeba saa beae ho.

85 Okaa se, "Soma Lasaro, afei, se okoka nkyere me nuamarimanom se ma womma kwan yei so." Wo nsem foforo mu no, "Wonye ofre no so, 'Bedi M'akyi.'" Wohu?

Nanso okaa se, "Won, worenye."

86 Okaa se, "Aane, se obi besore afiri awufooo mu, te se Lasaro, na osane ko na okoka kyere won."

87 Wohu, ekyere se, yewuo akyi no, wo daso ara wo atenka. Okaae. Abraham kaa se, "Oba, kae, wo wo nna mu no." Wohu? Wo daso ara kae. Wo were remfiri wo nkae. Wo kae.

88 Na nkae ahodoa a saa onipa no tumi nyaee, na odaso ara wo beae koroo no ara, okaae akwanya a onyaaee se otee se Yesu reka se, "Di M'akyi." Nanso odii onipa bone akyi, nipakuo bone. Owuraa nipakuo bone mu, ena okoo beae bone, oko wiee Daa amanehunu mu; na wasee no saa Da no, afiri Onyankopon nkyen daapem.

89 Yesu nso kaa asem a eye nwanwa, "Se obi sore firi awufooo mu na osane ba, nso worentumi nsesa won adwene. Efiri se, wowo

Mose mmara, na se worenntie saa a, enne worenntie se obi firi awufo mu ba a. Worensesa won adwene.”

⁹⁰ Aden? Aden? Na mmara no kaa biribi te saa? Aane. “Monye ma aforo sedee mo pe se aforo nye ma mo no.” Na tenaa mmara no ase. Nanso omaa odesrefo no wuu pono no ano. Wohu? Na watena—na watena Onyankopon mmaranssem ase, nanso wanunu saa Daa Nkwa kesee no.

⁹¹ Mmofra, mo, obiara, mo te se me dee. Mo, obiara, mo te se me mma mmarimanom ene me mma mmaanom. Wo kwan baako so no, mo ye, hwe, merekasa wo honhom mu a. Eye nokore. Awurade Nyankopon No de—de mo kra ahye me nsa, efiri se mo ba, betie me. Mo gye me di. Wohu? Na asem no nteasee fa bi no, mo ye me mma mmarimanom ene me mma mmaanom. Eye nokore.

⁹² Bere biara monkae, moredi Onyankopon mmaranssem so ye adee kesee. Woretete wo wo efie papa mu ye agyapadee a efiri Onyankopon nkyen. Na se mo ye mmofra kamakama a mo wo bobe sedee mo wo yi, eye papa. Eye nwanwa, se mo anya nwomasua. Eye nwanwa se mo te faahodie mu wo asase yi so. Ye wo nnooma bebre a ese se yeda ho ase.

⁹³ Nanso adee baako bi wo ho a worennya no adedie mu. Ese se wo gye No tom. Eno ne Daa Nkwa. Na wobeye saa bere a woredi Yesu akyi, wonam awo-foforo suahunu so. Mommmu mo ani ngu eno so.

⁹⁴ Asem ketewa bi a me tee no bere bi, efa obarima bi a na, oh, na oye ohiani. Na ono—ono na ope bere biara se... Eye anansesem ketewa bi, te se. Aka me ho bere biara, ewo mu. Na da koro bi otee nhwiren. Na nhwiren no ye nkonyaa, na nhwiren no buaa no, na ekaa se, “Wadi hia wo nkwa nyinaa.” Okaa se, “Afei bisa dee wo pe, na wode bema wo.”

⁹⁵ Okaa se, “Saa bepo no mu mmue, na mentumi nko mu na menko hwehwe sika koko no a ewo bepo no mu no.”

⁹⁶ “Eye,” okaa se, “ese se wo fa me ka wo ho ko baabiara a wo ko. Wohu? Ese se wo fa me ka wo ho. Enti, baabiara a me wo no, enne na wobetumi abisa dee wo pe.”

⁹⁷ Onante ko bepo no so, na bepo no mu buee, na oko wuraa mu. Na sika koko ene denkyemmo ayee ho mma, sedee anansesem ketewa no koro no. Ode nhwiren no too a—too a spono no so, anaase, ebo no so. Na otuu mmirika na oko faa aboden aboo kesee bi, ena okaa se, “Ese se me de yei ko kyere me nnamfonom. Na afei maye odefo. Me wo biribiara seesei. Ese se me de yei kyere.”

⁹⁸ Na enti nhwiren no kasae, “Nanso,” okaa se, “wo were afiri adee titiriw paa no.”

⁹⁹ Enti otu mmirika sane n’akyi na oko fa, okaa se, “Eye, ebia meye—menya sika koko ketewa bi. Menya dwete ketewa bi.” Na

enti okaa se, “Meyε—meyε no ntem apue, aka akyere nkurɔfoɔ no senea m'aye ɔdefoɔ, ene deε me wɔ nyinaa.”

100 Na okɔ duruu epono no ano, εna nhwiren no kaa se, “Nanso wo were firii adeε titiriw paa no.”

101 Enti ɔtu mmirika kɔ n'akyi bio. Okaa se, “Emu ha yehunu nnoɔma ahodoɔ bebreε.” Enti, ofaa εboɔ bi. Okaa se, “Mekɔ, ako fa εboɔ yi na me de akyere nkurɔfoɔ yi εboɔ korɔ a εwɔ saa bepo yi mu, enti metumi ahunu me kwan akɔ makyi.” Wohu?

102 Na ɔfirii aseε wɔ epono no ho, na nhwiren no kaa se, eyε eno . . . eyε bere awieε, “Wo were afiri adeε titiriw paa no.”

“Oh,” okaa se, “oh, ka wano to mu.”

103 Hwe, na ɔmpese ɔbetie no bio, “Wo were afiri adeε titiriw paa no,” na ɔtuu mmirika firii epono no mu. Na bere a ɔyεεε no, epono no too mu wɔ n'akyi, na nhwiren no wɔ emu. Adeε titiriw paa no na eyε nhwiren no. Wohu? Adeε titiriw paa no na eyε nhwiren no.

104 Mfirinhyia bebreε a abesene korɔ ni, se abɔfra, sɛdeε mo nyinaa tee no, aha, na afuo kesee a wɔde yεne anantwie wɔ ha, Phoenix soro. Na merekenkan biribi, fa akwanhwe, krataa εfa obi a ɔrehwehwe sika kɔkɔɔ. Afei, na akwan biara nni ha saa bere no, na eyε anwea kwan ketewa bi. Wɔdaso ara hwehwe sika kɔkɔɔ wɔ ha, mo nim.

105 Nanso obi a ɔrehwehwe sika kɔkɔɔ yi baaε, na wahunu sika bebreε, na wakɔhwe sika kɔkɔɔ bebreε so. Na wɔ ne kwan mu no, ɔtenaa nnuadan bi a ɔnyaaε mu. Na ɔwɔ ɔkraman bi ka ne ho, na, ɔkraman no—no, ɔkyekyeree no wɔ abɔntene. Na saa anadwo no, na kobɔni bi di n'akyi, se ɔbεgye sika kɔkɔɔ yi. Ofaa no wɔ Spanish famagudeε adwuma dada bi mu, εna na ɔde reba. Na ɔkraman no firii aseε poεe.

106 Na onipa no mpese saa ɔkraman no beha no. Okaa se, “Ka w'ano tom.” Okaa se, “Okyena, mεfa yei, akɔ—akɔ kuro no mu.” Na meyε . . . Asem no mu aba nie. “Na mekari, na maye ɔdefoɔ. Na metɔ kaar akeseε. Na menya mmaa ahodoɔ nyinaa bi ene apontoɔ kesee. Na meyε ɔdefoɔ, efiri se mensa aka deε manya no dada. Manya sika kɔkɔɔ no wɔ ha, bebreε.” Na okaa se, “Meyε . . .”

107 Na bere a ɔrehwehwe se ɔbeda no, ɔkraman no kɔ so poεe, efiri se na ɔkraman no ahunu ɔkobɔni no se ɔreba, ɔretete, ɔretwen se obi a ɔhwehwe sika kɔkɔɔ no beda.

108 Ɔsɔree bio, na ɔteaam guu ɔkraman no so bio, okaa se, “Ka w'ano tom.” Na ɔkraman mmɔborɔni no sui na ɔhwehwe se ɔbεbɔ ne wura kɔkɔ se ɔhaw bi tete—tete hɔ. Na bere a ɔno . . .

109 Bere foforɔ no, bere a ɔkraman no firii aseε se repo no, na deε ɔhwehwe sika kɔkɔɔ no wɔ etuo. Na ɔmpese biribi beha no, enti ɔsɔree εna ɔtoo ɔkraman no tuo. Na wɔkumm obi a ɔhwehwe sika kɔkɔɔ no saa anadwo no, eyε ɔkobɔni no. Ne daεε fefeε a ɔsooεε

no nyinaa anye ade papa biara amma no. Aden? Omaa enne no a na erebo no koko no yee komm.

¹¹⁰ Obiara nni ho a obetumi aye biribi, mo mmofra, morentumi nye biribi bone biara, bere a watete mo saa kwan yi so, gyese wo nya atenka se biribi ka kyere wo se enye. Afei, emma saa enne no a erebo wo koko no nye komm da.

¹¹¹ Na bere biara monkae, gye saa Enne no tom a ekaa se, “Di M’akyi no,” na bere biara wobefiri mu yie. Me gyedi se mo beye. Me wo ahotoso wo mo mu. Nanso bere biara monkae se Yesu, saa Nne no, tease wo asase yi so anadwo yi.

¹¹² Eye ade koro, sedee enne biara ene asem biara a yekaae daso ara te ase no, se saa enne no pue ko saa ether asorokye a ewo mframa mu no so a. Ono. . . Hwe, wo wo afidie a ede kasa ko wo ha. Wo ne afidie a ede kasa no ko. Afei eye bea ho na ekye no.

¹¹³ Na Yesu ne Afidie a ode Onyankopon Asem no ko, efiri se na Ono—ono ne Onyankopon a wo su mmiensa a ada adi ewo Onipa baako mu. Na nye Onyankopon a owie pe ene Onipa a owie pe.

¹¹⁴ Na Onyankopon su mmiensa, Onyankopon subansu ahodo mmiensa no, se nye Agya, Oba, ene Honhom Kronkron, na egyptina ho wo saa Onipa baako no mu, Yesu Kristo. Enti, eh, na Ono ne Asem no.

¹¹⁵ Na Ono ne afidie a ode asem no ko a okaa se, “Dee otie Me nsem no, na ogye Dee osomaa Me no die no, wo Daa Nkwa.” Wohu? “Nokore meka mekyere mo se, dee otie Me Nsem no, na ogye Dee osomaa Me no die no, wo Daa Nkwa.” Afei, saa Asem no afiri Afidie no a ede asem no ko no mu. Okaa se, da koro bi, “Nokore meka mekyere mo, se mo ka kyere bebo yi se, ‘Tutu a,’ na moannye akynnyee wo mo akoma mu a, na mmom mogye di se dee mo kaae no beba mu a, wobetumi anya dee w’aka no.”

¹¹⁶ Afei, se wo betumi aye bea no a wobekye Eno a, enam biribi a ewo wo mu so a, enam gyidie so a, ede wo bewura Onyankopon nhyehyee mu pee, ako Awo foforo no mu, na wawo wo foforo. Afei wo benya nkutahodie bere biara, de atie saa Enne no a bere biara eb wo koko se mmusuo bi reba a. Se nnooma nko yie a, nko yie a, Ebeye kokobo ama wo bere biara. Na afei, se anka da bi wobeye te se saa aberantee odefo a yereka ne ho asem yi no; ye obarima te se osomaforo Petro, Paulo, anaase onipa bi a onyaa akra maa Yesu Kristo. Monye saa, mmofra.

Yebetumi abo mpaee anaa?

¹¹⁷ Awurade Yesu! Mmabunu, mmarima ene mmaa de ma okyena, se okyena bi wo ho a. Esee se yetete won, Awurade. Yewo saa adeso no ho atenka, se yetete won tese dee okyena bi bewo ho. Se ente saa a, ennee na enne ne eda no.

¹¹⁸ Na afei, Agya, yenim se obiara nni ho a wogye no tom ewo W’anim. Honam biara rentumi rhoahoa ne ho. Nwomasua nni ho, ewom se saa nnooma yinom ye papa, nnwuma pa nni ho,

nyamesom ntetebea nni ho, adwenemu adesua nni ho, biribiara rentumi nsi Onyankopon so dua gyese Honhom Kronkron no. Ono ne Adeyodee no, Onyankopon No ara, ewo Daa Nkwa tebea mu, se obetumi aba yen nkyen se ankorankore. Na yeda ase de ma yei.

119 Nokoreni na Petro kyeresee wo paemuka mu. Yesu ka kyeree no se, “Enye honam ene mogya na eyii yei kyeree wo. Wo ansua no wo asofoo ntetebea. Wo ansua no wo sukuu bi mu.” Eyi wo ankasa biribi, biribi a ese se ankorankore biara nya. Wo kaa se, “Obotan yi so na Me de M'Asafo besie, na asamando apono remmu mfa so.” Yeda ase de ma saa, Awurade.

120 Saa Nne no daso ara te ase anadwo yi. Na beae bi daso ara wo ho, abontene beae, beae a watie, beae ahodo a wogyee, ewo gyidie mu, a wotumi gye No. Yebɔ mpaee se saa mmofra yinom mu biara begye Eno, Awurade, ewo won akoma mu. Na monkae se, enye dee wobeye de aye papa bi, nanso won. . . Onyankopon mmu yen aten enam dee yeye so, na mmom enam dee yagyee so. Wonom yen gyidie so na agye yen nkwa, na enye yen nnwuma so. Enti yebɔ mpaee, Osoro Agya, se wɔbɛkyere anisoadehunu no seesei, na wɔahunu na wɔate saa Daa ofre kɛsee no, se “Bra, na bedi M'akyi.”

121 Ma won mu biara, Awurade, ndane mfri wiase nnooma nyinaa ho, dee ewuo yi, obra ntentenoa yi. Sedee wawo ha anadwo yi, na won tiri nwi aye hyenn, na won mu bi tiri nwi ye tuntum yi, ene aniwa tuntum, ene aniwa bluu, na wotete ha fɛfɛefe sedee wobeye dabi.

122 Na sedee otwerɛfo kɛsee no kaaee no, “Monkae mo Bɔfo no wo mo mmerante bere mu, bere a nna bone no nya mmaae no. Afei na wo nni anigyee biara wo mu.” Senea, Awurade Yesu, Wo ka kyeree Petro se, “Bere a na woye aberante no, wosoree ena wokoo faako a wope. Nanso se wobɔ akora a, obi de wo beko faako a wompe se wokoo.” Ma won nkae se, “Seesei ara ne eda no. Bere no nie.” Ye ma yen, Agya.

123 Me gye won mu biara, se me ara m'abofra, wo ha anadwo yi, de ma abofra biara wo ha. Menya atenka se Wo de won ahye me nsam, se menhwe won so. Me gye won nyinaa, firi Satan nsam ene owuo mu, ba Nkwa mu ewo Yesu Kristo mu. Amen.

124 Onhyira mo, mmofra yi. Eyi paa se mekaa nsem kakraa bi kyeree mo. Na mɛba m'akyi bio, Billy. Mmofra fɛfɛe, mani gye mo ho. Onuabarima Fred, Awurade nhyira wo. Awurade nhyira wo, onuabaa.



BRA, NA BEDI MAKYI AST63-0601
(Come, Follow Me)

Saa Nkransɛm a ɛfiri Onuabarima William Marrion Branham yi, ɔkaa no wɔ Brɔfo ankasa mu wɔ Memeneda anwummere, Ayɛwohumumɔ 1, 1963, ɛwɔ House Meeting ɛwɔ Tucson, Arizona, U.S.A., wɔyi firii nea wakyere agu ahoma so na wɔatintim no sɛdɛ ɔkaa no ara wɔ Brɔfo mu. Saa nkyeraseɛ a ɛwɔ Asante Twi mu yi Voice of God Recordings na ɛtintimiiɛ na wɔkyekyɛ.

ASANTE TWI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Suayε Tumi Ho Nkaebo

Ɛho tumi nyinaa ye twerefoɔ no dea. Saa nwoma yi wobɛtumi atintim no afidie so wɔ ɛfie afa anaa sɛ wo bɛkyekye, a worennye sika, sɛ biribi a ɛbɛma Yesu Kristo Asempa no bɛtrɛ. Worentumi ntɔn saa nwoma yi, ntintim no pii, mfa nto website so, mfa nsie wɔ afidie biara mu, nkyere aseɛ nkɔ kasa biara mu, anaa mfa nsrɛsrɛ sika wɔ bɛrɛ a wo nyaa akwanya krataa a ɛfiri Voice of God Recordings®.

Sɛ wopɛ ho nsɛm anaa nnoɔma bi a ɛwɔ ho a, me sɛrɛ sɛ twerɛ kɔ:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org